



UNIVERSITÄTS-
BIBLIOTHEK
PADERBORN

Cogitationes, Sive Considerationes Christianae Pro singulis Anni diebus

Complectens Octobrem, Novembrem, Decembrem

Nepveu, François

Monachii, 1709

Dies 10. De aftutia diaboli in occultandis laqueis, quos castitati tendit.

[urn:nbn:de:hbz:466:1-60533](https://nbn-resolving.org/urn:nbn:de:hbz:466:1-60533)

December. Si mutare potest Æthiops pellem suam
 - - - & vos poteritis bene facere, cum
 didiceritis malum. *Jerem. 13. 23.*

Dum consuetudini non resistitur, facta
 est necessitas. *Aug.*

DIES X.

De Astutia Diaboli In Occul-
 randis laqueis, quos castitati
 tendit.

I.

Asmodæus animum hominis alicujus
 verecundi, Deumque timentis occu-
 paturus, Belli ducem propemodum imi-
 tatur, qui abjectâ spe, arcis cujusdam vi
 expugnandæ, clandestina molitur consi-
 lia cum ijs, qui in ea degunt: sic Asmo-
 dæus certis hominis affectibus in speciem
 utcunque innocentibus, vel certè de fœ-
 dere cum ipso inito minimè suspectis uti-
 tur, securus, eos sibi favere: cum qui-
 bus, ubi commercium injit, cor minus
 sibi invigilans brevè intrabit, & certissimè
 in suam rediget potestatem. Hi affectus
 sunt inanis gloriæ studium, curiositas, &
 arrogantia. Quid hisce animi morioni-
 bus

bus minùs periculosum? vel certè, quid minorem, quàm illi, cum peccato libidinis affinitatem habere videtur? hi tamen Asmodæi regnum in hoc mundo stabiliunt.

II. Quoties amor inanis gloriæ, qui, ut videtur, fœminis ad conservandam suam pudicitiam servire deberet, eisdem funestus est? hanc gloriam, si qua fœmina ambit, viris placere ardentè desiderat; si verò iis placere desiderat, amari non horret; & si amari cupit, non multùm abest, ut & ipsa amet. Cor, quod sic comparatum est, castum satis jam non est. Præterea, si qua fœmina gloriæ aucupandæ valdè est avida, quàm facilè se exponit illi, qui suis lenocinijs ejus vanitati blandiri novit! quàm difficile ipsi accidit repellere virum, cujus amor gloriolam aliquam ei conciliat, & cujus meritum utilitatis aliquid sibi quoque asferre arbitratur; quamvis ei probè perspectum sit, illius consilia adeò insontia non esse. An verò casta esse potest, si hæc tolerat, non ignara hominis istius intentiones minùs esse castas? sed demus, ipsam esse castam, potestne esse penitus innocens? fieri potest, ut scelerata non sit, cùm viro placere cupit, cui scit, se placere non posse, quin

December.

quin ipsum reddat culpæ reum? possuntne sine magna perversitate tolerari, vel quæri commercia viri, quibus desideria, spēsque minus legitimas nutriri sci-
mus?

Alter affectus, qui non majorem habere affinitatem videtur cum peccato libidinis, aditum nihilominus in tot corda aperit, est curiositas, quæ impellit ad lectionem librorum periculorum. Innocentiæ, & puritati tot juvenum perniciosius nihil est, quam libri amatorij, qui sub obreutu expoliendæ linguæ mores corrumpunt, & per Spiritûs, pietatis, timoris Dei, & puritatis animi jacturam, quæ hujusmodi lectionum fructus est, ad castitatis jacturam paulatim præparant. Tertius affectus, cui non plus tubesse videtur periculi, quique minus commercij cum peccato libidinis habere censeretur, est nimia sui fiducia. Hæc tamen feminas, & puellas frequentissimè ad peccatum impellit: de virtute sua multum sibi pollicentur, neque periculosissimas occasiones formidant; sed in eas temere se conjiciunt, in jis absque præcautione versantur; & hanc ipsam ob causam in peccatum se præcipitant. Omnia timenda, ubi nihil

atten-

attendendum, quò plus ei tribuimus. *December.*
Aufer à me, Domine, hanc arrogantem
securitatem, quæ juxta Verbum tuum,
lapsus proximi signum, & certissima cau-
sa est. Ah! si toties lapsus sum, idèd
factum est, quòd me lapsurum esse non
credebam.

*Statue tribus hisce animi affectionibus ma-
gnopere diffidere, quæ forsàn periculosas fore
credidisti, stude eas impugnare, & vincere.*

Contritionem præcedit superbia, &
ante ruinam exaltatur Spiritus. *Prov.*
16. 18.

Utilius est, si speremus, nos posse de-
linquere. *Tertull.*

DIES XI.

Quomodo Evitari Possint Laquei Asmodæi.

I.

Sanctorum quidam multitudine laqueo-
rum, quibus undique cingebatur,
terrītus à Deo sibi indicari enixè petijt,
quâ ratione ab ijs tueri se posset? fugien-
do, ei responderetur: *Fuge, fuge; sed fu-
ge citò, & fuge longè. Primò itaque fu-
gien-*